



Innstilling 1 fra komité F

Ei heilag, allmenn kyrkje i ei uroleg tid – uttale frå Kyrkjemøtet

Komiteens merknader

1. Å kome med ein uttale er eit høve til å adressere viktige tema i vår samtid som Kyrkjemøtet bør uttale seg om. Forma på uttalen har ein eigen sjanger; det er ein sakleg argumenterande tekst som kan munne ut i konklusjonspunkt. Uttalen er skriva med utgangspunkt i overskrifta for temaet for Kyrkjemøtet i Kyrkerådets sak 27/23.
2. Vi ser at det er eit stort mangfald av aktuelle saker som Kyrkjemøtet med rette kan og bør uttale seg om. Komiteen meiner likevel det er naudsynt å avgrense uttalen for at den ikkje skal bli for omfattande. Komiteen viser til tidlegare Kyrkjemøte som også har gjeve viktige uttaler og teke standpunkt i ei rekke saker som kunne vore omtala. Desse har vi ikkje teke med her.
3. Komiteen ynskjer med uttalen å synleggjere at Den norske kyrkja er ei håpsrørsle som har noko å bringe inn i verda. Temaet for årets Kyrkjemøte, "Ei heilag, allmenn kyrkje", set søkelys på korleis kyrkja kan kome med håp i ei verd som er råka av uro og kriser.
4. Uttalen omtalar rapporten frå Stortingets sannings- og forsoningskommisjon som vart lagt fram 1. juni 2023. Komiteen har drøfta om uttalen i større grad skulle gå inn i funna som rapporten har gjort. Men vi meiner at Den norske kyrkja sine offisielle organ må handsame rapporten på ordinær måte for å sikre ei grundig og rettmessig handsaming og at kyrkja tek innover seg sitt ansvar før vi kan seie meir enn kva uttalen legg opp til i innstillingen.
5. Uttalen frå Kyrkjemøtet vil bli delt med frivillige, folkevalde og tilsette som abonnerer på nyhendebrev frå Den norske kyrkja, og også gjort allment tilgjengeleg.

1 Håp i ei uroleg tid

2 Kyrkja er kalla til å forkynne budskapet om håp i ei uroleg tid. Kyrkja er ei håpsrørsle. Vårt oppdrag er
3 grunngjeve i Guds kjærleik til heile sitt skaparverk og vårt ansvar for å forvalte alt det skapte. Vårt håp
4 er vissa om at Gud ikkje har forlatt vår verd. Evangeliet om Jesus Kristus gjev næring til håpet om fred
5 og forsoning, og kraft til endring i møte med klimakrise og urettferd.

6 Den norske kyrkja er ei folkekyrkje. Å vere folkekyrkje er å forkynne Guds vilkårsause kjærleik, dele
7 menneskes erfaringar og formidle Guds nærvær i det kvardagslege livet. Det som gjeld menneske,
8 gjeld også Gud. Kyrkja opnar heilage rom for det alminnelege livet. Gud toler vår uro og bekymring.

9 Kyrkja gjev kraft til håp

10 Konsekvensane av klimakrisa blir stadig tydelegare. I desse dagane kjenner også landet vårt på dei
11 uføreseielege kreftene som klimaendringane fører med seg. Som kyrkje må vi kalle til omvendning og
12 handling. Verda må stå saman og søke endring for å verne om Guds skaparverk.

13 I heile verda står demokratiet under press. I ei tid som er meir uroleg, vert beredskapen rusta opp. I
14 nabolanda våre og i vårt eige land gjer ein førebuingar for krig og krigsliknande hendingar. Regjeringa

15 sin totalberedskapskommisjon arbeider med å teikne ut korleis Noregs beredskap skal førebuast. Eit
16 viktig spørsmål handlar om behovet for å styrke den psykososiale beredskapen.

17 Den norske kyrkja forvaltar store ressursar: Vi har samlingsstader, infrastruktur, folk, kompetanse,
18 erfaring og ikkje minst ein bodskap om håp som samfunnet har bruk for. Vi kan opne møteplassar og
19 mobilisere tilsette og frivillige til beste for fellesskapet. Kyrkja både kan og vil nære håpet i ei uroleg tid.
20 Det viktigaste av alt er å bidra i arbeidet for rettførdig fred. Vi melder oss til teneste!

21 **Kraft til forandring**

22 Digitale media styrer stadig meir av kvardagen vår. Kyrkjemøtet ser med alvor på at debattklimaet blir
23 meir polarisert og er med å bidra til framvekst av ekstremisme. Sidan 22. juli 2011 er landet vårt rysta
24 av fleire hatmotiverte terroråtak. Skytinga som var retta mot Pride i Oslo i 2022, er det siste dømet på
25 dette.

26 Den norske kyrkja ynskjer å vere ei kraft til forandring i samfunnet slik at alle menneske kan møtast
27 med nestekjærleik, respekt og likeverd. Skal kyrkja på ein truverdig måte kunne motverke polarisering,
28 må alle som representerer kyrkja tale med tillit og rausheit, og med respekt for det universelle
29 menneskeverdet som er gjeve oss av Gud.

30 **Arbeid for forsoning**

31 Stortinget sin sannings- og forsoningskommisjon la fram sin omfattande rapport i juni 2023. Rapporten
32 dokumenterer den norske statens fornorskingspolitikk mot samar, kvener/norskfinnar og skogfinnar.
33 Kyrkja les rapporten med stor sorg. Den norske kyrkja har vore med på å legitimere og utføre
34 overgrepa som er dokumentert i rapporten. Rapporten er viktig for kyrkja, og han må handsamast
35 grundig. Kyrkja skal lytte til forteljingane og gå djupt inn i den store mengda med dokumentasjon som
36 no ligg føre.

37 **Kyrkjemøtet samla i Trondheim 2023:**

- 38
- 39 • Takkar alle 12 000 kandidatar som har stilt seg til disposisjon for årets kyrkjeval, og oppfordrar
40 oss alle til å vere med å arbeide for eit sakleg debattklima på tvers av usemje og ulike
41 meiningar.
 - 42 • Bed Kyrkjerådet om å legge til rette for ei grundig handsaming av Sannings- og
43 forsoningskommisjonens rapport, og at Kyrkjemøtet får rapporten til handsaming.
 - 44 • Støttar Bispemøtets og Kyrkjerådets forsoningsarbeid med personar med LHBTIQ+identitet
45 som kyrkja har påført stor skade og smerte
 - 46 • Ynskjer at Den norske kyrkja deltek i landets totalberedskap.

.....
komitéleder

.....
saksordførar